












U ovom broju:

-  ODRŽANA 28. SJEDNICA
OPĆINSKOG VIJEĆA
-  USVOJENA LISTA KAPITALNIH
PROJEKATA ZA 2015. GODINU
-  OBILJEŽEN 4. APRIL
-  POTPISANI UGOVORI
ZA STIPENDIJE
-  POTPISANI UGOVORI SA
FONDOM SOLIDARNOSTI
-  II SAJAM SREDNJIH ŠKOLA I
FAKULTETA
-  PRIZNANJA ŠTABA CZ
-  EKO AKCIJA ČIŠĆENJA
-  TEŠANJSKO PROLJEĆE



OPĆINA TEŠANJ

Trg Alije Izetbegovića 11

www.opcina-tesanj.ba

e-mail: optesanj@bih.net.ba



16. DRUŽENJE DOBITNIKA NAJVEĆIH RATNIH PRIZNANJA ZDK

Savez dobitnika najvećih ratnih priznanja Federacije Bosne i Hercegovine, Zeničko-dobojskog kantona i 7-jug Tešanj organizovali su 16. druženje Dobitnika najvećih ratnih priznanja ZDK. Prigodan program održan je u Centru za kulturu i obrazovanje u Tešnju. Ovom prilikom, prisutnim su se obratili predsjednik Udruženja Zlatni ljljani Tešanj Hasan Handžić, Općinski načelnik Suad Huskić, Ministar za boračka pitanja ZDK Fahrudin Čolaković, Premijer ZDK Miralem Galijašević, predsjednici Federalnog i Kantonalnog saveza Šerif Patković i Nazim Bećirević. Ovim povodom, danas je položeno i cvijeće na Centralno spomen obilježje šehidima i poginulim borcima.



OBILJEŽEN 4. APRIL DAN OTPORA FAŠIZMU

Povodom općinskog praznika 4. aprila - Dana otpora općine Tešanj fašizmu, Općinski načelnik upriličio je prijem za predstavnike javnog i kulturnog života općine Tešanj. Prijemu su prisustvovali i predstavnici II Rendžerskog puka Oružanih snaga BiH, kao i odbornici Skupštine opštine Tešanj iz 1992. godine. Prigodnim govorom gostima su se obratili Općinski načelnik Suad Huskić i predsjednik Izvršnog odbora Skupštine opštine iz 1992. godine Mirsad Ćeman, te u svom obraćanju istakli važnost 4. aprila za sve građane općine Tešanj.

Nakon prijema, položeno je cvijeće na Centralno spomen obilježje šehidima i poginulim borcima u Tešnju. Cvijeće su, u ime Općine položili predsjedavajući Općinskog vijeća i Općinski načelnik, predstavnici II Rendžerskog puka Oružanih snaga BiH, te predstavnici boračkih organizacija. Tokom dana cvijeće je položeno i na spomen obilježja u Jelahu i Tešanjci.

U 15,30 sati u Centru za kulturu i obrazovanje održana je i promocija knjige *Hiljadu grobnica u Bosanskoj krajini*, autora Jasmina Odobašića.

Inače, prema odluci Općinskog vijeća 4. april - Dan otpora fašizmu se obilježava kao sjećanje na početke otpora agresiji na BiH 1992-1995. i sve značajnije događaje u ovom periodu, ali i iz ranije historije vezane za otpor ovog kraja fašizmu.



PRVA INVESTICIJA U POSLOVNOJ ZONI GLINIŠTE

Općinski načelnik Suad Huskić sa saradnicima posjetio je firmu *Corona pack* (proizvodnja i prodaja svih vrsta samoljepljivih traka sa i bez štampe, folije i termoskupljajuće folije). Vlasnik firme Mirsad Hadžan informisao je Načelnika o gradnji objekta u Industrijskoj zoni *Glinište*, što predstavlja i prvu investiciju u ovoj poslovnoj zoni. Prema planovima vlasnika, gradnja objekta trebala bi početi do kraja aprila, a preseljenje proizvodnje planirano je do kraja godine. Ovom prilikom, Općinski načelnik posjetio je i proizvodni pogon, te vlasniku zaželio uspjeh u realizaciji poslovnih planova. Detaljnije o ovoj firmi možete pogledati na: www.coronapack.com.ba



BFC: DVODNEVNA POSJETA EVALUATORA

Nakon dostavljene dokumentacije početkom februara, Općinu Tešanj je posjetio tim evaluatora za projekat BFC certifikacije. Tokom dvodnevne posjete, konkretno se prošlo kroz svu dostavljenu dokumentaciju za sve kriterije i potkriterije koje je potrebno ispuniti u procesu certificiranja, nakon čega će biti dostavljen izvještaj o ispunjenosti potrebnih kriterija.

Radi se o Programu certificiranja za povoljno poslovno okruženje općina i gradova u Jugoistočnoj Evropi na koji je Općina Tešanj prijavljena.

Predstavnice NERDA agencije iz Tuzle Amru Jaganjac i Senadu Jahić primili su Općinski načelnik Suad Huskić i članovi Komisije za BFC certifikaciju Općine Tešanj u sastavu: Hamzalija Hojkurić, Haška Hundur, Nermina Bešlagić, Muhamed Džihić i Edina Kadušić.

Inače, Program je namijenjen općinama i gradovima koji su strateški opredijeljeni da unaprijede poslovni ambijent, privuku investicije i podstaknu razvoj lokalne ekonomije.



POTPISANI UGOVORI SA UDRUŽENJIMA GRAĐANA

Krajem februara u Sali Općinskog vijeća Tešanj potpisani ugovori za finansiranje projekata udruženja građana za 2015. godinu. Ugovore su potpisali Općinski načelnik Suad Huskić i 39 udruženja građana sa područja općine Tešanj.

Prigodnim govorom, prisutnima se obratio Općinski načelnik Suad Huskić i zahvalio udruženjima na kvalitetnim projektima, te istakao dosadašnju korektnu saradnju sa svim udruženjima.

Na javni poziv, ove godine ukupno su pristigla 54 projekta udruženja građana. Nakon provedene procedure, prihvaćena su 46 projekta.

U budžetu za ovu namjenu ukupno je izdvojeno 226 700 KM.



TEŠANJSKO PROLJEĆE

Tradicionalnim polaganjem cvijeća na mezar Muse Čazima Čatića u Tešnju počela je i ovogodišnja manifestacija Tešanjско proljeće. Cvijeće su položili učenici Gimnazije Tešanj.

Polaganju cvijeća su prisustvovali vijećnici, Općinski načelnik sa saradnicima, direktorica, profesori i učenici Gimnazije Musa Čazim Čatić i građani Tešnja.

Nakon polaganja cvijeća, u Velikoj sali Centra za kulturu i obrazovanje održana je priredba U sevdahu srce moje ljepoti himne svira, koju su pripremili učenici Gimnazije.

Manifestacija je zvanično otvorena Izložbom crteža Miralema Brkića u Maloj sali Centra za kulturu i obrazovanje u 18,00 sati.

Tešanjско proljeće nam dovodi ljude sa različitih prostora, donosi nam mnoge aktivnosti, te stoga pozivam sve sugrađane da proprate ovu manifestaciju i na taj način uveličaju pripremljene aktivnosti, istakao je Općinski načelnik Suad Huskić i proglasio manifestaciju Tešanjско proljeće otvorenom.

Tešanjско proljeće traje do 30. aprila 2015. godine.



PRIZNANJE ZA RAZVOJ PODUZETNIŠTVA NA PODRUČJU JUGOISTOČNE EUROPE

Drugi regionalni samit poduzetnika - 300 najboljih, krajem marta je održan u Dubrovniku. Oko 120 sudionika samita razgovaralo je o budućnosti poduzetništva i mogućnostima njegovog unapređenja. Na svečanosti su dodjeljene nagrade i priznanja najzaslužnijim za razvoj poduzetništva u jugoistočnoj Europi.



Općine Tešanj, Žepče, Teslić za projekat BEAR dobitnik su priznanja za razvoj poduzetništva na području jugoistočne Europe. U ime Općine Tešanj, nagradu je primio Općinski načelnik Suad Huskić.



Predsjednik Nezavisnog Međunarodnog Komiteta za dodjelu nagrada i priznanja u okviru projekta promocije i nagrađivanja najzaslužnijih za razvoj poduzetništva na području Jugoistočne Europe je prof. dr. Boris Tihi.

HARMONIZACIJA PODATAKA ZEMLJIŠNE KNJIGE

Služba za katastar urbanizam i imovinsko - pravne poslove dostavila je Zemljišno-knjižnom uredu Općinskog suda u Tešnju prijavne listove za katastarsku općinu Tešanj II koji su rađeni u okviru projekta harmonizacije podataka - usklađivanja podataka zemljišne knjige sa podacima katastra zemljišta. Poslove oko harmonizacije za navedenu katastarsku općinu radila je firma *Geodet d.o.o. Sarajevo*. Osim ove katastarske općine, projektom su obuhvaćene i katastarske općine Jelah i Tešanj I.

Okončanjem projekta harmonizacije podataka zemljišne knjige sa podacima katastra zemljišta će u konačnici imati kao rezultat identično stanje u ovim zemljišno-knjižnim evidencijama. Također, bit će etažirane i sve stambene i stambeno-poslovne zgrade koje imaju više vlasnika, odnosno koje imaju više stambenih i poslovnih jedinica različitih vlasnika.



POSJETA PRODAJNO SERVISNOM CENTRU - PSC JELAH

U aprilu je upriličena i posjeta Prodajno servisni centar - *PSC Jelah* (autoservis, tehnički pregled vozila, homologacija i atestiranje vozila). Tokom posjete, Načelnik je u razgovoru sa vlasnikom Izudinom Čemanom i njegovim saradnicima saznao osnovne podatke i trenutne aktivnosti na kojima rade, a ovom prilikom se razgovaralo i o novoootvorenoj poslovnici u Tešnju, kao i o problemima sa kojima se susreću.

Općinski načelnik je čestitao na postignutim poslovnim rezultatima, te obećao pomoć u skladu sa mogućnostima.

Detaljnije o PSC-u možete pogledati na:

www.psc-jelah.com



II SAJAM SREDNJIH ŠKOLA I FAKULTETA

U petak, 27. marta u Sportskoj dvorani u Tešnju otvoren je II Sajam srednjih škola i fakulteta. Na Sajmu je učestvovalo 16 fakulteta, 6 srednjih škola i 7 ostalih institucija koje su vezane za obrazovanje.

Učenici sa područja općine Tešanj, ali i susjednih općina prisustvovali su sajamskoj prezentaciji dostupnih škola i fakulteta sa prostora cijele Bosne i Hercegovine. Na ovaj način željelo se omogućiti mladim ljudima (maturantima osnovnih i srednjih škola) lakši izbor srednje škole ili fakulteta.

Prigodnim govorom, prisutnim su se obratili direktorica Gimnazije i ujedno menadžer ovog projekta Aida Salkić, predsjednik Organizacionog odbora Sajma Izudin Karahmet i predsjedavajući Općinskog vijeća Senad Subašić.

Želja nam je da mladim ljudima na jednom mjestu pokažemo mogućnosti koje imaju kada je u pitanju izbor daljeg obrazovanja i usavršavanja. Vjerujem da će na ovaj način donijeti kvalitetnije odluke, kazao je predsjedavajući Općinskog vijeća.



LISTA KAPITALNIH PROJEKATA ZA 2015. GODINU

Na 28. sjednici Općinskog vijeća Tešanj usvojena je Lista kapitalnih projekata za 2015. godinu. Za projekte mjesnih zajednica izdvojeno je 1 515 000 KM, za projekte od općeg interesa 940 000 KM, projekte solidarnosti 60 000 KM, a za koncesije i dodatna sredstva 70 000 KM.

A) Mjesne zajednice

R. br.	Naziv MZ	NAZIV PROJEKTA
1	Bobare-Drinčići - Blaževci	Dio duga mz-e
2	Bobare-Drinčići - Blaževci	Nastavak asfaltiranja puta G.Bobare-Blaževci
3	Bukva	Izgradnja pješačke staze Bukva-Medakovo-Novo Selo
4	Dobropolje-Mekiš	NC Aleksići- Mujezinovići (asfaltiranje II faza)
5	Džemilić Planje	Asfaltiranje puta NC Smreče-OŠ
6	Jablanica	Asfaltiranje puta Čaglići
7	Jelah	Izgradnja puta Rastoke
8	Jelah	Asfaltiranje puteva u Potočanima, Zvono-Lučići i sanacija puta od Omladinskog doma lijevo
9	Jelah	Asfaltiranje LC Cerovac
10	Jevadžije	Sanacija i asfaltiranje NC Hrnjići
11	Kalošević	Asfaltiranje puta NC Most-Lete
12	Karadaglije	Izgradnja šehidskog spomen obilježja
13	Kraševo	Asfaltiranje puta NC Čolići i puta Bare
14	Ljetinić	Asfaltiranje puta NC Plac-Šljunkara
15	Medakovo	Vodovod
16	Miljanovci-Lončari	Izgradnja trotoara Škola-Sarači
17	Novi Miljanovci	Dio duga mz-e
18	Mrkotić	Asfaltiranje NC Žiže-Kukuljevac
19	Novo Selo	Asfaltiranje puta Dom-Bedaci-Park
20	Orašje Planje	Dio duga mz-e
21	Piljužići	Asfaltiranje NC Sole-Zovke
22	Raduša	Izgradnja mosta kod JP Rad dd Tešanj prema Kotlanicama
23	Rosulje	Asfaltiranje NC Agići-Bajina glava
24	Šije	Izgradnja fekalne kanalizacije u MZ Šije
25	Tešanj	Hrvatinići, vodovod
26	Tešanj	Proširenje vodovoda Dobropolje-Mekiš, Joldići
27	Tešanj	Asfaltiranje ulice "Meše Selimovića"
28	Tešanj	Izgradnja mosta kod JP Rad dd Tešanj prema Kotlanicama
29	Tešanjka	Nastavak asfaltiranja puta Bedaci-Numera
30	Trepče	Vodovod
31	Vukovo	Asfaltiranje puta Banovci-Pašići

B) Projekti od općeg interesa

Red br	Projekti općeg značaja	NAZIV PROJEKTA
1	opći značaj	Nastavak uređenja Industrijske zone Ciglana u Jelahu II faza
2	opći značaj	Rekonstrukcija mosta kod Toplane
3	opći značaj	Izgradnja treće trake u Poslovnoj zoni Bukva
4	opći značaj	Vibracione trake
5	opći značaj	Nastavak realizacije projekta na poslovnoj zoni Glinište
6	opći značaj	Izgradnja mosta "Lejle Mulalić" u Jelahu
7	opći značaj	Izgradnja trotoara na M4 i M17 te asfaltiranje treće trake u Jelahu od raskrsnice prema Industrijskoj zoni Ciglana
8	opći značaj	Obaveze po zaključcima Vijeća

C) Projekti solidarnosti

Red br	Projekti solidarnosti	NAZIV PROJEKTA
1	Dž. Planje	Sanacija klizišta na putnoj infrastrukturi.
2	Karadaglije	Sanacija klizišta na putnoj infrastrukturi.
3	Kalošević	Sanacija klizišta na putnoj infrastrukturi.
4	Druge hitne intervencije	Sanacija klizišta na putnoj infrastrukturi.

D) Koncesije i dodatna sredstva

Red br	Naziv MZ	NAZIV PROJEKTA
1.	Raduša	Asfaltiranje puta Uno-Mehuljići-Mešići i Uno-Hadžalići
2.	Orašje Planje	Dugovanje za izgradnju puta od ranije
3.	Miljanovci-Lončari	Sanacija puta (pješačka staza) O. škola-Sarači
4.	Karadaglije	Dugovanje za izgradnju puta od ranije

ODRŽANA 28. SJEDNICA OPĆINSKOG VIJEĆA

U Sali Općinskog vijeća, u utorak, 31. marta sa početkom u 14,00 sati održana je 28. sjednica Općinskog vijeća Tešanj, sa predloženim dnevnim redom:

1. Prijedlog Odluke o odobravanju raspisivanja javnog konkursa na lokalitetu "Vila",
2. Prijedlog Odluke o davanju saglasnosti na mogućnost dodjele koncesije na istraživanje i eksploataciju mineralnog resursa - vode na lokalitetu Trepče,
3. Prijedlog Odluke o objavi javnog poziva za parking "Katanga",
4. Prijedlog Odluke o davanju na korištenje nekretnina Javnim ustanovama "Sportsko-rekreacioni centar" Tešanj i "Opća biblioteka" Tešanj,
5. Prijedlog Odluke o izmjeni i dopuni Odluke o utvrđivanju opisa granica naseljenih mjesta na području Općine Tešanj-Tešanjka,
6. Prijedlog Odluke o nazivima i označavanju ulica, trgova i označavanju objekata brojevima na području Općine Tešanj,
7. Prijedlog Odluke o osnivanju Općinskog pravobranilaštva Općine Tešanj,
8. Prijedlog Odluke o usvajanju Liste kapitalnih projekata za budžetsku 2015. godinu,
9. Prijedlog Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2015. godini,
10. Prijedlog Odluke o utvrđivanju platnih razreda i koeficijenata Općine Tešanj i Općinskog pravobranilaštva,
11. Informacija o stanju bezbjednosti na području općine Tešanj, i bezbjednosti učesnika u saobraćaju na području općine Tešanj za 2014. godinu,
12. Informacija o radu Zavoda za zapošljavanje - Biro Tešanj za 2014. godinu,
13. Informacija o radu mjesnih zajednica za 2014. godinu,
14. Prijedlog Rješenja o razrješenju i imenovanju člana Statutarne komisije.

Na početku sjednice, 10. tačka je povučena sa dnevnog reda. Najviše rasprave je bilo oko 8. tačke - Prijedloga Odluke o usvajanju Liste kapitalnih projekata za budžetsku 2015. godinu, koju je Vijeće nakon dodatnih objašnjenja usvojilo. Vijeće je razmatralo i ostale tačke dnevnog reda i završilo sa radom u 19,05 sati.



AKCIJA ČIŠĆENJA NA PODRUČJU OPĆINE TEŠANJ

U skladu sa vizijom - Tešanj, sredina ekološke svijesti, čistoće i reda, Općina Tešanj je u subotu i nedjelju (21. i 22. mart) organizovala ekološku akciju čišćenja i uređenja na području općine Tešanj. Na cijelom prostoru općine provodi se akcija na čišćenju okoliša, putnih pojasa i vodotoka. Na terenu su 62 organizovane grupe na 62 lokacije i skoro 2000 učesnika. Pojedinačne aktivnosti koje su već više godina česte na našem području ovog puta su objedinjene, tako da danas pored 21 firme koje su vršile zimsko održavanje puteva, naših vatrogasaca i grupe sa biroa rada, imamo ribolovce, izviđače, mjesne zajednice i mektebe. Općina i preduzeće RAD sa prevozom i zbrinjavanjem otpada, su pokrovitelji ove akcije a u narednom vremenu pozvat ćemo i sve škole na području općine da uredi svoja dvorišta, poligone i vrtove, kazao je pomoćnik Općinskog načelnika Hamzalića Hojkurić.

U okviru planirane akcije, firme zadužene za zimsko održavanje puteva u saradnji sa predstavnicima mjesnih zajednica su na svim dionicama puteva očistiti kolovoz, trotoare i rigole od zaostalog posipnog materijala, a pokupili su i otpatke iz putnih kanala.

Općina je organizovala i masovnu akciju čišćenja šiblja i granja na obalama u Mazurovcu i na potezu od pumpe Kosovčić do Tešanjke. Na ovim lokacijama je očišćeno i korito rijeke od zaostalog smeća na drveću i granama.

Također, planirane su i provedene i akcije čišćenja okoliša Udruženja ribolovaca iz Kaloševića i Jelaha, Udruženja EKO-MLADI iz Jablanice, Izviđača na izletištu Kiseljak i Medžlisa islamske zajednice putem polaznika Mektebske nastave. U MZ Kalošević je putem lokalne firme uklonjena divlja deponija pored magistralne ceste.

Svim organizovanim grupama Općina je pružila podršku dodjelom vreća za otpatke, zaštitnih rukavica, sendvičima i osvježanjem, a Komunalno preduzeće RAD je svojim vozilima preuzelo smeće na deponiju.



UGOVORI ZA STIPENDIRANJE STUDENATA



U Velikoj sali Centra za kulturu i obrazovanje u Tešnju potpisani su ugovori za stipendiranje studenata u studijskoj 2014-2015. godini. Ugovore su potpisali Općinski načelnik Suad Huskić i studenti sa područja općine Tešanj koji ispunjavaju uslove Konkursa.

Ove godine, potrebne kriterije za dobijanje općinske stipendije ispunila su 426 studenata.

Prigodnim govorom, studentima su se obratili predsjedavajući Općinskog vijeća Senad Subašić i Općinski načelnik Suad Huskić, te istakli da je Općina Tešanj u posljednje tri godine za stipendiranje studenata izdvojila oko milion maraka, što predstavlja najveći projekat općinske administracije u Tešnju.

DODJELJENA SREDSTVA ZA POMOĆ U SANACIJI OBJEKATA OD POPLAVA I KLIZIŠTA

U toku mjeseca marta izvršeno je potpisivanje ugovora za pomoć nastradalim od prirodne nesreće na području općine Tešanj, a koji se odnose na pružanje finansijske pomoći vlasnicima oštećenih stambenih objekata koji su se javili na javne pozive za dodjelu navedenih sredstava, kao pomoć u sanaciji i izgradnji objekata. Sredstva su dodjeljena za 80 vlasnika objekata, a jednom vlasniku objekta su dodjeljena sredstva za izgradnju cjelokupnog stambenog objekta koji je uništen tokom prošlogodišnje prirodne nesreće. Od ukupnog broja potpisanih ugovora II je tripartitnih ugovora koje su vlasnici objekata potpisali sa Općinom Tešanj i Federalnim fondom za pomoć nastradalim od poplava F BiH za sredstva koja su osigurana putem Fonda, dok je 69 vlasnika objekata potpisalo ugovor sa Općinom Tešanj za sredstva koje je Općina Tešanj izdvojila u Budžetu.



DELEGACIJA OPĆINE ŠOŠTANJ POSJETILA TEŠANJ

Načelnik općine Šoštanj (R. Slovenija) Darko Menih sa saradnikom posjetio je općinu Tešanj i ovom prilikom se sastao sa Općinskim načelnikom Suadom Huskićem.

Tokom sastanka razgovarano je o mogućnostima saradnje dvije općine na projektima iz oblasti obrazovanja, privrede i kulture.

Današnji sastanak sa delegacijom općine Šoštanj iz Slovenije je ustvari nastavak dobre postojeće saradnje Školskog centra Velenje i Mješovite srednje škole Tešanj. U narednom periodu bit će pripremljen Protokol o saradnji dvije općine, a sve u cilju zajedničke aplikacije i realizacije projekata Evropske unije, kazao je Općinski načelnik Suad Huskić.

Nakon sastanka u Općini, delegacija se sastala sa predstavnicima Udruženja privrednika, te posjetila Mješovitu srednju školu i Eminagića konak.



POSJETA FIRMI KOTEKS

Općinski načelnik Suad Huskić sa saradnicima posjetio je firmu *Koteks* i susreo se sa vlasnikom i direktorom firme - Muharemom i Harisom Sejdićem. Tokom sastanka, razgovaralo se o poslovnim rezultatima ove firme, kao i planovima za naredni period - proširenju proizvodnog i skladišnog prostora. Općinski načelnik je čestitao rukovodstvu *Koteksa* na postignutim rezultatima i zaželio im uspjeh i u narednom periodu.

Detaljnije o ovoj firmi možete pogledati na: www.koteks.ba



POSJETA DJECE IZ PODRINJA

Općinu Tešanj su posjetila djeca osnovnih škola iz Podrinja (Srebrenica, Zvornik, Konjević Polje) u okviru realizacije projekta Posjeta djeca djeci. Posjeta je trajala tri dana, a djeca su bila smještena kod svojih kolega - učenika OŠ Huso Hodžić. Tim povodom, Općinski načelnik upriličio je prijem ovih učenika i njihovih nastavnika, a prijemu su prisustvovali i predsjedavajući Općinskog vijeća Senad Subašić i predstavnik Udruženja Prosvjetitelj iz Srebrenice, Nisvet Mujanović.

Općina Tešanj niz godina ima zajedničke projekte sa Istočnom Bosnom, a u cilju saradnje i pomoći putem udruženja Klub prijatelja Srebrenice i Naša porodica iz Tešnja i Udruženja Prosvjetitelj iz Srebrenice. Ovaj projekat je posebno zanimljiv jer se radi o mladim ljudima, a cilj je upoznavanje, sklapanje prijateljstva i razmjena iskustava, kazao je Općinski načelnik Suad Huskić.

Učenici iz Podrinja imali su priliku upoznati kulturno-historijske i druge znamenitosti Tešnja družeći se sa svojim vršnjacima.



PRIZNANJA ŠTABA CIVILNE ZAŠTITE TEŠANJ

U povodu 1. marta - Svjetskog dana civilne zaštite i Dana civilne zaštite Federacije, održana je Svečana dodjela priznanja za 2014. godinu. U svom obraćanju komandant Štaba Suad Huskić istakao je važnost civilne zaštite za područje općine Tešanj i osvrnuo se na aktivnosti koje je civilna zaštita uradila u prošloj godini, a posebno tokom majskih poplava, te se još jednom zahvalio svima koji su dali svoj doprinos u spašavanju. Prisutnim su se obratili i načelnik Štaba Mensur Saletović, kao i direktor Kantonalne uprave CZ Sead Džanović.

Za uloženi rad, zalaganje i ostvarene rezultate u zaštiti i spašavanju ljudi i materijalnih dobara od prirodnih i drugih nesreća na području općine Tešanj u 2014. godini, Općinski štab civilne zaštite Tešanj, dodjelio je Pismene pohvale civilne zaštite.

Pohvale su dobili:

1. Služba zaštite i spašavanja za prvu medicinsku pomoć Tešanj,
2. Služba zaštite i spašavanja za asanaciju, vodosnabdjevanje i čistoću Tešanj
3. Služba zaštite i spašavanja životinja Tešanj,
4. Služba zaštite i spašavanja od požara Tešanj,
5. Služba zaštite i spašavanja iz ruševina Tešanj,
6. Profesionalna vatrogasna jedinica Tešanj,
7. Huso Jahić, Profesionalna vatrogasna jedinica Tešanj,
8. Sabahudin Omerbašić, Općinski Štab civilne zaštite Tešanj,
9. Samir Kadić, Profesionalna vatrogasna jedinica Tešanj,
10. Edin Alić, Šije,
11. Hasan Čeman, Profesionalna vatrogasna jedinica Tešanj,
12. Esad dr. Hasaničević, rukovodilac Službe zaštite i spašavanja za prvu medicinsku pomoć, Tešanj,
13. Jasmin Salibašić, Služba civilne zaštite Tešanj.



Za doprinos u izvršavanju određenih zadataka od značaja za zaštitu i spašavanje ljudi i materijalnih dobara na području općine Tešanj u 2014. godini, Općinski štab civilne zaštite Tešanj, dodjelio je Zahvalnicu civilne zaštite. **Zahvalnice su dobili:**

1. Udruženje privrednika "BIZNIS CENTAR" Jelah/Tešanj,
2. Radio Antena, Jelah,
3. JU Centar za socijalni rad, Tešanj,
4. Udruženje građana i prijatelja Općine Tešanj u Švicarskoj,
5. Islamski kulturni centar, Düsseldorf, Njemačka
6. Mjesna zajednica Šije,
7. Mjesna zajednica Kalošević,
8. JU Opća bolnica, Tešanj,
9. JZU Dom zdravlja "Izudin Mulabecirović-Izo", Tešanj,
10. Dobrovoljno vatrogasno društvo Jelah, Jelah,
11. Dobrovoljno vatrogasno društvo "Tešanj 1905", Tešanj,
12. Mladi Crvenog križa Tešanj,
13. Policijska stanica Tešanj,
14. JP Rad dd, Tešanj,
15. Smart Televizija, Tešanj,
16. Adnan Hadžalić, Raduša-Tešanj,
17. Nurudin Tahirović, Općina Tešanj,
18. Nihad Hadžismajlović, Općina Tešanj,
19. Hajrudin Subašić, Općina Tešanj.



U cilju utvrđivanja trenutnog stanja klizišta, tokom mjeseca marta i aprila traje aktivnost na provođenju monitoringa klizišta na području općine Tešanj koju provodi mobilni tim. Na ovaj način bit će obuhvaćena sva dosadašnja klizišta koja su nastala i prijavljena u periodu 2009. - 2015. godina, te će biti ustrojeno katastar klizišta sa propisanim elementima klizišta. Također, bit će utvrđeno stanje klizišta sa posebnim akcentom na klizišta koja direktno ugrožavaju stambene objekte i infrastrukturu. Aktivnost se provodi u okviru Službe civilne zaštite.



STROGO ZABRANJENO NEPROPISNO PALJENJE VATRE NA OTVORENOM PROSTORU

Analizom požara otvorenog prostora u prethodnim godinama na području općine Tešanj, usljed obavljanja proljetnih radova čišćenja, poljoprivrednih, šumskih i drugih površina, odnosno prilikom loženja vatre i spaljivanja korova, suhe trave, lišća, poljoprivrednih i drugih otpada, dolazilo je do velikog broja požara niskog rastinja, a koje su izazivali pojedinci svojim nemarom ili pak svjesno, usljed čega je dolazilo do neželjenih pojava nekontrolisanog širenja požara na susjedna područja i objekte, čime su ugrožavani ljudi, prirodni resursi i materijalna dobra.

Obzirom da je sezona proljetnih radova počela, podsjećamo građane da je **STROGO ZABRANJENO** paljenje vatre na otvorenom prostoru, na mjestima koja se nalaze u neposrednoj blizini šuma, benzinskih stanica, plinskih stanica i slično, kao i na nepristupačnim mjestima na kojima nije moguć pristup vatrogasnih vozila.

Prilikom loženja vatre, građani se moraju u potpunosti pridržavati i poštivati propisane mjere opreza kao što su:

1. Prilikom čišćenja parcela, prikupljeni otpad spaljivati uz maksimalne mjere opreza i lično prisustvo dok otpad ne izgori.
2. Ne ostavljati upaljenu vatru ili žar nekontrolisano na njivi.
3. Prije polaska sa njive ili kampovanja, politu vatru ili žar vodom, ili zatrpati zemljom.
4. Posebno voditi računa da se paljenje otpada ne vrši u blizini šuma, privrednih objekata, benzinskih pumpi, plinara, a naročito u toku pojave vjetra.
4. Paljenje otpada vršiti u ranim jutarnjim, a ne večernjim satima.

Ukoliko, i pored svih preduzetih mjera dođe do požara koji više nije moguće kontrolisati potrebno je obavijestiti:

1. Dežurnog u Profesionalnoj vatrogasnoj jedinici Tešanj na broj telefona 123 i 032/650-720; ili
2. Dežurnog u Policijskoj stanici Tešanj na broj telefona 122 i 032/651-606; ili
3. Operativni centar civilne zaštite na broj telefona 121 i 032/650-439.

Podsjećamo da su odredbama člana 169. Zakona o zaštiti od požara i vatrogastvu ("Sl. novine FBiH" broj: 64/09) predviđene novčane kazne za pojedince u iznosu od 100,00 do 1.500,00 KM, koji svojim postupcima omogućuju nastanak požara, kao što je na nepropisan način loženje vatre na otvorenom, u šumama, na šumskom zemljištu, ili na drugom zemljištu.

U skladu sa navedenim zakonskim odredbama, kod pojave ovakvih situacija bićemo prisiljeni da u saradnji sa Policijskom stanicom Tešanj, identifikujemo lica i preduzmemo odgovarajuće zakonske mjere u cilju suzbijanja nastanka i širenja požara.

Vaša mala nepažnja može izazvati velike štete !



Javni poziv za

**NAJBOLJE
POSLOVNE IDEJE
ZA MLADE**

za 2015. godinu

Želiš se prijaviti?

Javni poziv je otvoren od 6. aprila 2015. godine,
a prijem aplikacija će se vršiti od 18. maja do 30. juna 2015. godine.

Detaljne informacije na:

Tel: 032/650-022

E-mail: mirnes.dedukic@opcina-tesanj.ba

www.opcina-tesanj.ba

**TVOJA IDEJA!
TVOJ BIZNIS!
PRIJAVI SE!**

**VLASTITI
BIZNIS**

**PODRŠKA
OPĆINE**

**BIZNIS
PLAN**

IDEJA